

**JAVNA ZDRAVSTVENO-NASTAVNA USTANOVA
DOM ZDRAVLJA "Dr Mustafa Šehović" TUZLA**
Broj: 01-4138-2/24.
Tuzla, 05.07.2024.godine

Na osnovu člana 69 stav (3) i člana 70. Zakona o javnim nabavkama BiH („Sl.glasnik BiH“ br.39/14, 59/22), Zapisnika Komisije sa otvaranja ponuda od 20.06.2024 godine i člana 43. Statuta Javne zdravstveno-nastavne ustanove Dom zdravlja „Dr Mustafa Šehović“ Tuzla broj: 04-1773-1/23 od 27.03.2023 godine, Direktor Ustanove *donosi*

ODLUKU

o otkazivanju postupka javne nabavke

I

Otkazuje se postupak javne nabavke-Usluge revizije finansijskih izvještaja za 2023 godinu po konkurentskom zahtjevu, za koji je Obavještenje o nabavci broj: 861-7-2-12-3-9/24 objavljeno na Portalu javnih nabavki dana 03.06.2024 godine, zbog dokazivih razloga koji su izvan kontrole Ugovornog organa i koji se nisu mogli predvidjeti u vrijeme pokretanja postupka javne nabavke, obzirom da su ponude svih ponuđača identične i prihvatljive, tako da se ne može izabrati najpovoljniji ponuđač.

II

Postupak javne nabavke iz člana I ove Odluke otkazuje se na osnovu Zapisnika Komisije sa otvaranja ponuda od 20.06.2024 godine.

III

Za izvršenje ove Odluke zadužuje se Služba za ekonomsko-finansijske poslove – Odjeljenje za nabavku, komercijalne poslove i naplatu potraživanja.

IV

Ova Odluka će se objaviti na web stranici Ugovornog organa i istovremeno će se uputiti svim ponuđačima koji su učestvovali u postupku javne nabavke, a shodno odredbi člana 70. stav (6) Zakona o javnim nabavkama BiH.

V

Ova Odluka stupa na snagu danom donošenja.

Obrazloženje

Postupak javne nabavke-usluge revizije finansijskih izvještaja za 2023 godinu pokrenut je putem konkurentskog zahtjeva za koji je Obavještenje o nabavci broj: 861-7-2-12-3-9/24 objavljeno na Portalu javnih nabavki dana 03.06.2024 godine.

Ukupna procijenjena vrijednost nabavke je do 9.000,00 KM bez PDV-a.

Komisija za javnu nabavku je Zapisnikom od 20.06.2024 godine konstatovala 5 (pet) blagovremeno zaprimljenih ponuda i to: „Orecons&Audit“ d.o.o. Zenica, „Zuko“ d.o.o. Sarajevo, „Etic“ d.o.o. Zenica, „Address“ d.o.o. Sarajevo i „Alfa revizija“ d.o.o. Banovići, izvršila otvaranje i ocjenu prispjelih ponuda, te je zaključeno da su svi ponuđači dostavili identične ponude, odnosno s istom cijenom i rokovima izvršenja usluga.

Obzirom da iz navedenih razloga nije moguće izabrati najpovoljnijeg ponuđača, u skladu s odredbama člana 69. stav (3) Zakona o javnim nabavkama BiH, odlučeno je kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba najkasnije u roku od 5 (pet) dana od dana prijema, a u skladu s članom 101. stav (5) Zakona o javnim nabavkama BiH.

Dostavljeno:

1 x Pomoćniku Direktora za Sektor nemedicinskih poslova

1x Služba za ekonomsko-finansijske poslove

Odjeljenje za nabavku, komercijalne poslove i naplatu potraživanja

1x a/a

DIREKTOR

/Prim.prof.dr.sc. Samir Mačković/